

**ГАДААДЫН ИРГЭН, ХАРЬЯАТЫН ГАЗРЫН 2024 ОНЫ ЭРСДЭЛИЙГ СААРУУЛАХ ҮЙЛ АЖИЛЛАГАА БУЮУ  
ХАРИУ АРГА ХЭМЖЭЭНИЙ ТӨЛӨВЛӨГӨӨНИЙ ЭХНИЙ ХАГАС ЖИЛИЙН БИЕЛЭЛТ**

2024 оны 07 дугаар сарын 03

Улаанбаатар хот

Д/д	Байгууллага дотооддоо арилган бууруулж, урьдчилан сэргийлж болох эрсдэл	Эрсдэлийг сааруулах хариу арга хэмжээ	Хүрсэн түвшин буюу хэрэгжилт	Гүйцэт гэлийн хувь
1	2	3	4	5
<b>Нэг. Хэрэгцээ, шаардлага буюу төсөв, санхүүгийн чиглэлээр</b>				
1	Хангамж, бараа материалын зардал, эд хогшил, урсгал засварын зардал, бусдаар гүйцэтгүүлсэн ажил, үйлчилгээний төлбөр, хураамжийн зардал хүрэлцэхгүй байх, санхүүгийн зөрчил үүсэхээс урьдчилан сэргийлэх	Төсвийн хүрээний мэдэгдэлд суурилсан 2024 оны төсвийн төслийг бодит хэрэгцээ шаардлагад нийцүүлэн боловсруулж, Хууль зүй, дотоод хэргийн сайдад уламжлан Сангийн яаманд хүргүүлнэ. Батлагдсан төсвийн хуваарьт өөрчлөлт оруулах санал, тайлбарын хамт Хууль зүй, дотоод хэргийн сайдад хүргүүлэн шийдвэрлүүлнэ. Байгууллагын хэмжээнд аудитын хяналт-шалгалтыг зохион байгуулж ажиллах	Төсвийн хүрээний мэдэгдэлд суурилсан 2025 оны төсвийн хязгаарын саналыг бодит хэрэгцээ шаардлагад нийцүүлэн боловсруулж, Хууль зүй, дотоод хэргийн сайдад 2024 оны 05 дугаар сарын 30-ны өдрийн 01/1124 дугаартай албан бичгээр хүргүүлсэн. Төсвийн төвлөрүүлэн захирагчийн энэ оны батлагдсан төсвийн хуваарьт өөрчлөлт оруулах саналыг 01/177, 01/865, 01/1082 дугаар албан бичгээр Хууль зүй, дотоод хэргийн яаманд хүргүүлж, холбогдох зардлыг шийдвэрлүүлсэн. Батлагдсан төсвийн хүрээнд төсвийг хэмнэлттэй зарцуулан өр төлбөр үүсгэхгүй ажиллаж байна. Байгууллагын даргын 2024 оны 01-02/21 дүгээр удирдамжийн дагуу Зүүн бүс дэх газрын захиргаа, санхүүгийн үйл ажиллагаанд гүйцэтгэлийн хяналт, 01-02/27 дугаар удирдамжийн дагуу Агаарын замын боомт хариуцсан газрын зөрчил шалган шийдвэрлэлт, захиргаа, санхүүгийн 2023 он, 2024 оны нэгдүгээр улирлын үйл ажиллагаанд дотоод аудит, дотоод хяналт шалгалт явуулан байгууллагын удирдлагад илтгэх хуудсаар танилцуулан ажилласан.	70%
Хэсгийн дундаж: 70%				
<b>Хоёр. Нийцлийн буюу эрх зүйн зохицуулалтын чиглэлээр</b>				
2	Хоёрдмол харьяалал үүсгэсэн иргэдийг харьяатаасаа гарахыг шаардах, аль нэг улсын иргэний харьяаллаа сонгох эрх зүйн зохицуулалт дутмагаас хоёрдмол харьяалал үүсгэсэн иргэдийн иргэдийн тоо нэмэгдэх.	-Хяналт шалгалтыг үр дүнтэй зохион байгуулах, шалгалтаар илэрсэн хоёрдмол харьяалалтай Монгол Улсын иргэдийн мэдээллийг нэгдсэн санд бүрэн гүйцэд оруулах -Хүний эрхийг дээдлэн, эрх зүйн зохицуулалтыг тодорхой ойлгомжтой болгох талаар холбогдох дээд шатны байгууллагад хүсэлт хүргүүлэх	Байгууллагын даргын 2009 оны 09 дүгээр сарын 14-ний өдрийн “Хоёрдмол харьяалалтай иргэдийн бүртгэл, судалгаа хөтлөх тухай” 275 дугаар тушаалын дагуу хоёрдмол харьяалал үүсгэсэн иргэдийг илрүүлсэн даруй тогтмол бүртгэлжүүлж байна. Гадаадын иргэний бүртгэл, мэдээллийн нэгдсэн санд 53 улсын 4848 иргэн бүртгэлтэй байгаагаас тайлант хугацаанд 51 иргэн шинээр нэмж бүртгэсэн байна. Баян-Өлгий аймаг дахь хэлтсийн даргын 05 дугаар сарын 28-ны өдөр баталсан Хоёрдмол харьяаллын чиглэлээр 2024 онд хийж хэрэгжүүлэх ажлын төлөвлөгөөний хэрэгжилтийг ханган ажиллаж байна. Монгол Улсын болон БНКаЗУ-ын хоёрдмол харьяалал үүсгэсэн 18 иргэнтэй ярилцлага хийж, аль нэг улсын иргэний харьяаллаа сонгох талаар зөвлөгөө өгсөн. Энэхүү ажлын хүрээнд 3 иргэн БНКаЗУ-ын иргэний харьяатаас гарч, эрх бүхий байгууллагын тодорхойлолт авсан	70%

Д/д	Байгууллага дотооддоо арилган бууруулж, урьдчилан сэргийлж болох эрсдэл	Эрсдэлийг сааруулах хариу арга хэмжээ	Хүрсэн түвшин буюу хэрэгжилт	Гүйцэт гэлийн хувь
1	2	3	4	5
			<p>тул Монгол Улсын харьяатаас гарахгүйгээр гадаад улсын харьяат болсон иргэний оршин суух зөвшөөрлөөс хасалт хийн ажилласан.</p> <p>“Захиргааны хэм хэмжээний актын улсын нэгдсэн санд бүртгэлтэй шийдвэрт хяналт-шинжилгээ, үнэлгээ хийж, үр дүнгийн тайлан, хуулиар тусгайлан эрх олгосон заалтын судалгааны дүн, цаашид авах арга хэмжээний тухай” Засгийн газрын хуралдааны 2023 оны 48 дугаар тэмдэглэл, Хууль зүй, дотоод хэргийн сайдын 2024 оны “Ажлын хэсэг байгуулах тухай” А/03 дугаар тушаалыг үндэслэн журмаар зохицуулсан харилцааг хуульд тусгах, хуулиар эрх олгосон заалтыг хүчингүй болгох хүрээнд Засгийн газрын 2003 оны 62 дугаар тогтоолоор баталсан “Монгол Улсын харьяат болох хүсэлт гаргасан гадаадын иргэн, харьяалалгүй хүнд тавих шалгуурыг тогтоох журам”-ыг Харьяатын тухай хуульд тусган хуулийн төслийг боловсруулан 2024 оны 02 сарын 14-ний өдрийн 01/339 дугаар албан бичгээр Хууль зүй, дотоод хэргийн яаманд хүргүүлсэн.</p>	
3	<p>Нийтээр амрах баярын өдөр болон 7 хоног бүрийн амралтын өдөр, эсхүл ажлын бус цагаар гадаадын иргэний зөрчлийг илрүүлэн түр саатуулах тохиолдолд жижүүрийн шүүгч байдаггүйгээс Зөрчил шалган шийдвэрлэх ажиллагаа удаашрах</p>	<p>“Зөрчлийн тухай хууль”-ийн шинэчилсэн найруулга, “Зөрчил шалган шийдвэрлэх тухай хууль”-д нэмэлт, өөрчлөлт оруулах саналыг холбогдох дээд шатны байгууллагад дахин хүргүүлэх</p>	<p>Зөрчил шалган шийдвэрлэх тухай хуульд гадаадын иргэнийг саатуулах эрх зүйн зохицуулалтад оруулах өөрчлөлтийн санал болон одоо хэрэгжүүлэхэд учирч буй хүндрэлийн талаар Хууль зүй, дотоод хэргийн яамны Хууль зүйн бодлогын газарт 2024 оны 03 дугаар сарын 29-ний өдөр танилцуулга хүргүүлсэн.</p> <p>“Захиргааны хэм хэмжээний актын улсын нэгдсэн санд бүртгэлтэй шийдвэрт хяналт-шинжилгээ, үнэлгээ хийж, үр дүнгийн тайлан, хуулиар тусгайлан эрх олгосон заалтын судалгааны дүн, цаашид авах арга хэмжээний тухай” Засгийн газрын хуралдааны 2023 оны 48 дугаар тэмдэглэл, Хууль зүй, дотоод хэргийн сайдын 2024 оны “Ажлын хэсэг байгуулах тухай” А/03 дугаар тушаалыг үндэслэн журмаар зохицуулсан харилцааг хуульд тусгах, хуулиар эрх олгосон заалтыг хүчингүй болгох хүрээнд Засгийн газрын 2021 оны 193 дугаар тогтоолоор баталсан “Гадаадын иргэнийг Монгол Улсаас албадан гаргах, албадан гаргахаас чөлөөлөх болон Монгол Улсад дахин оруулахгүй байх хугацааг тогтоох журам”, Хууль зүй, дотоод хэргийн сайдын 2011 оны 52 дугаар тушаалаар баталсан “Барьцаа гаргах, буцаан олгох, барьцааны хэмжээ тогтоох журам”, байгууллагын даргын 2017 оны А/111 дүгээр тушаалаар баталсан “Гадаадын иргэнийг Монгол Улсаас гарахыг түдгэлзүүлэх, гарахыг түдгэлзүүлэхийг хүчингүй болгох тухай шийдвэр гаргах, түүнийг хэрэгжүүлэх тухай журам”-ыг тус тус хуульд тусган Гадаадын иргэний эрх зүйн байдлын тухай хуулийн шинэчилсэн найруулгын төслийг</p>	70%

Д/д	Байгууллага дотооддоо арилган бууруулж, урьдчилан сэргийлж болох эрсдэл	Эрсдэлийг сааруулах хариу арга хэмжээ	Хүрсэн түвшин буюу хэрэгжилт	Гүйцэт гэлийн хувь
1	2	3	4	5
			боловсруулан 2024 оны 02 сарын 14-ний өдрийн 01/339 дугаар албан бичгээр Хууль зүй, дотоод хэргийн яаманд хүргүүлсэн.	
Хэсгийн дундаж: 70%				
Гурав. Үйл ажиллагааны буюу гүйцэтгэл, зохион байгуулалтын чиглэлээр				
4	Албан хаагчдын цалин хөлс бага, алслагдсан хилийн боомт, ажиллаж амьдрах орчин нөхцөл бүрэн хангагдаагүйгээс ажиллах тогтворгүй байдал үүсэх	Тогтвор сууршилтай ажиллах нөхцөл боломжийг хангах талаар шат дараатай арга хэмжээ авах;	<p>Төрийн албаны тухай хууль, Засгийн газрын 2024 оны “Журам батлах тухай” 160 дугаар тогтоолын 2 дугаар хавсралтаар баталсан “Гадаадын иргэний асуудал эрхэлсэн төрийн захиргааны байгууллагын албан хаагчид албан ажлын онцгой нөхцөлийн, төрийн алба хаасан хугацааны, цолны, мэргэшлийн зэргийн нэмэгдэл олгох журам, нэмэгдлийн хэмжээ”-г үндэслэн байгууллагын даргын 2024 оны 04 дүгээр сарын 29-ний өдрийн Б/105 дугаар тушаалаар төв, хилийн боомт, орон нутаг дахь нэгжийн албан хаагчдыг шинээр томилохдоо албан ажлын онцгой нөхцөл, цол, төрийн алба хаасан хугацааны нэмэгдлийг 04 дүгээр сарын 17-ны өдрөөс олгож байна. Цалин хөлсний нэмэгдлийг хувиар авч үзвэл удирдах албан тушаалтан 29.6-38.3 хувь, гүйцэтгэх албан тушаалтан 35.1-62.8 хувиар тус тус нэмэгдсэн үзүүлэлттэй байна. Байгууллагын даргын 04 дүгээр сарын 26-ны өдрийн А/154 дүгээр тушаалаар төв, хилийн боомт, орон нутаг дахь нэгжийн албан хаагчдын ажлын нэг өдрийн хоолны зардлын нөхөн төлбөр болох 15,000 төгрөгийг 34,000 төгрөг, унааны нөхөн төлбөр болох 500 төгрөгийг 1000 төгрөг болгон нэмэгдүүлэн шинэчлэн тогтоож, 04 дүгээр сарын 01-ний өдрөөс тооцон олгож байна.</p> <p>Байгууллагын даргын 01 дүгээр сарын 17-ны өдрийн Б/20, Б/21, 02 дугаар сарын 21-ний өдрийн Б/58, 04 дүгээр сарын 26-ны өдрийн Б/102, 05 дугаар сарын 20-ны өдрийн Б/128, Б/129, Б/130, 05 дугаар сарын 24-ны өдрийн Б/133 дугаар тушаалын дагуу хилийн боомт, орон нутгийн нэгжид ажиллаж буй 8 хяналтын улсын байцаагчид ажилласан хугацааны урамшуулалд нийт 271,045.632 төгрөгийг олгосон.</p> <p>Гадаад сургалтад төв байгууллагаас 18, хилийн боомт, орон нутаг дахь нэгжээс 7, удирдлагын академийн богино дунд хугацааны мэргэшүүлэх сургалтад төв байгууллагаас 6, хилийн боомт, орон нутаг дахь нэгжээс 3 нийт 34 албан хаагчийг хамруулж, мэдлэг мэдээллийг нь дээшлүүлээ.</p> <p>Хойд бүс дэх газрын Ханх автозамын боомт дахь албан хаагчдын амьдрах байранд 05 дугаар сард иж бүрэн засварын ажил хийсэн бөгөөд Өмнөд бүс дэх газрын албаны байрны засварын ажлын явц 98 хувийн гүйцэтгэлтэй байна.</p>	100%

Д/д	Байгууллага дотооддоо арилган бууруулж, урьдчилан сэргийлж болох эрсдэл	Эрсдэлийг сааруулах хариу арга хэмжээ	Хүрсэн түвшин буюу хэрэгжилт	Гүйцэтгэлийн хувь
1	2	3	4	5
Хэсгийн дундаж: 100%				
Дөрөв. Бусдаас хамааралтай буюу гадаад хүчин зүйлсийн чиглэлээр				
5	Хилийн боомтод ажиллаж буй албан хаагчдаа гэнэтийн халдлага, хорио цээр, халдварт өвчнөөс сэргийлэх	Байгалийн давагдашгүй хүчин зүйл тохиолдсон үед авч хэрэгжүүлэх арга хэмжээг төлөвлөн, төлөвлөгөөний дагуу холбогдох арга хэмжээг авах, сургалт зохион байгуулж ажиллах	<p>Хилийн боомт, орон нутаг дахь нэгжүүд аймгийн Онцгой байдлын газартай хамтран баталсан гамшгаас хамгаалах төлөвлөгөө, Агаарын замын боомт хариуцсан газар нь “Чингис хаан” олон улсын нисэх буудлын онцгой нөхцөлийн төлөвлөгөөний дагуу жил бүр тодотгол хийж, гамшиг осол тохиолдсон үед ажиллах шуурхай штаб, бүлэг байгуулан, бүлгүүдийн ажил үүргийн хуваарийг албан хаагчдад танилцуулан бэлэн байдлыг ханган ажиллаж байна.</p> <p>Баруун бүс дэх газар 02 дугаар сарын 23-ны өдөр хөдөлмөрийн аюулгүй байдал, эрүүл ахуйн сэдэвт, Хойд бүс дэх газар 02 дугаар сарын 08-ны өдөр Сэлэнгэ аймгийн Онцгой байдлын газар, Улаан Загалмайн хорооны салбар нэгжтэй хамтран “Гал түймрийн аюулаас урьдчилан сэргийлэх, эрсдлийг бууруулах, бэлэн байдлыг хангах”, “Түлэгдэлтийн үед үзүүлэх анхны тусламж” сэдэвт, Баян-Өлгий аймаг дахь хэлтэс нь аймгийн Онцгой байдлын газартай хамтран 05 дугаар сарын 07-ны өдөр “Гал унтраах анхан шатны багаж хэрэгсэл”, “Гамшгаас хамгаалах арга хэмжээ” сэдэвт сургалтыг тус тус зохион байгуулжээ.</p> <p>Зүүн бүс дэх газар нь Хөдөлмөр, нийгмийн хамгааллын яамны 2024 оны 07/00-00/001-01 дүгээр “Хөдөлмөрийн аюулгүй байдал, эрүүл ахуйг хангаж ажиллах тухай” төрийн тусгайлсан чиг үүрэг хэрэгжүүлдэг албан хаагчдад зориулан гаргасан албан даалгаврын хэрэгжилтийг ханган 8 заалт бүхий төлөвлөгөө батлан, хэрэгжилтийг ханган ажилласан. Баруун бүс дэх газар нь 04 дүгээр сарын 30-ны өдөр Ховд аймгийн Онцгой байдлын газарт галын дүгнэлт, эрсдэлийн үнэлгээ хийлгүүлэхээр 14/24 дугаар албан бичгийг хүргүүлж, 05 дугаар сарын 17-ны өдрийн 0011510 дугаар галын дүгнэлтийг гаргуулан авсан.</p> <p>Хилийн боомт, орон нутаг дахь нэгжүүд хилийн боомтод ажил үүрэг гүйцэтгэж байгаа албан хаагчдаа байгалийн давагдашгүй хүчин зүйл, гэнэтийн аюул ослоос урьдчилан сэргийлж аюулгүй ажиллагааны зааварчилга өгч, тухай бүр гарын үсгээр баталгаажуулан ажиллаж байна.</p>	90%

Д/д	Байгууллага дотооддоо арилган бууруулж, урьдчилан сэргийлж болох эрсдэл	Эрсдэлийг сааруулах хариу арга хэмжээ	Хүрсэн түвшин буюу хэрэгжилт	Гүйцэт гэлийн хувь
1	2	3	4	5
6	“Гадаадын иргэний виз, бүртгэл, мэдээллийн нэгдсэн сан” (ISF) систем хэвийн ажиллагаа алдагдах, мэдээллийн сан устах, гэмтэх үед дахин сэргээгдэхгүй байхаас урьдчилан сэргийлэх	-Хэрэглэгчийн системд хандах эрх, төхөөрөмжийг бүртгэлжүүлэх эрхийн тохиргоо хийх -Давхар ажиллагааны зарчмаар ажиллах сервер тохируулах -Систем дээр ажиллах журам батлуулан дагаж мөрдөх	Гадаадын иргэний виз, бүртгэл, мэдээллийн нэгдсэн сан” (ISF) системд бүртгэлтэй 171 албан хаагч албан хэрэгцээндээ ашиглаж байна. Системд хандаж байгаа төхөөрөмжүүдийг бүртгэлжүүлэх эрхийн тохиргооны программ хангамжийн хөгжүүлэлт хийгдэж байгаа бөгөөд 2024 онд багтаан бүрэн бүртгэлжүүлэхээр ажиллаж байна. Үндсэн болон тестийн гэсэн 2 төрлийн серверийг Гадаадын иргэний виз, бүртгэл, мэдээллийн нэгдсэн сан (ISF) системд ашиглаж байна.	70%
7	Хадгаламжийн нэгжүүд цаасан баримтад байгаа тохиолдолд эрсдэл бий болсноор нөхөн сэргээгдэх боломжгүй тул цахим хэлбэрт шилжүүлэх, хортон шавж, мэрэгч амьтдаас урьдчилан сэргийлэх	Цаасан суурьтай байнга хадгалах баримтыг эрсдлээс хамгаалах зорилгоор цахим хэлбэрт шилжүүлэх, хортон шавж, мэрэгчийн устгал, ариутгал халдваргүйжүүлэлтийг хийлгэх	Хууль зүй, дотоод хэргийн сайдын 2021 оны А/222 дугаар тушаалаар баталсан “Байгууллагын архивын үйл ажиллагааны нийтлэг журам”, байгууллагын даргын 2023 оны А/65 дугаар тушаалаар баталсан “Цахим баримт бүрдүүлэх, хөтлөх, архивд шилжүүлэх журам”-ын дагуу энэ оны 01 дүгээр сарын 02-ноос 05 дугаар сарын 31-ний өдрийн хугацаанд 2023 оны 42 хадгаламжийн нэгжийг хуудас нэг бүрчлэн pdf хэлбэрээр цахим хэлбэрт шилжүүлж, 512 ширхэг файлыг и-архив программд бүрэн холбож, ашиглалтад оруулсан. Төвийн байранд байрлах А, Б хадгаламжийн санд “Болор ариусгал” ХХКомпаниар 05 дугаар сарын 28-ны өдөр хортон шавж устгалын ажил хийлгэж, архивын баримтыг гадны эрсдлээс хамгаалах арга хэмжээ авч хэрэгжүүлсэн. Энэ оны 02 дугаар сарын 05-ны өдөр цахим архивын программыг дотоод сүлжээнээс интернэт орчинд шилжүүлж шаардлагатай бүх датаг байршуулан интернэт сүлжээнд хандах тохиргоог хийж, хилийн боомт, орон нутаг дахь нэгжүүдийн программ хангамжийн инженерүүдэд 02 дугаар сарын 06-ны өдөр холбогдох зааварчилгааг өгч ажиллав.	90%
Хэсгийн дундаж: 83.3%				
Нийт үнэлгээ: 80%				